



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

S. Oliva Virg. Mart. 10. lunii.

urn:nbn:de:hbz:466:1-41940

10. Iunii. VITÆ SANCTORUM. 367
versâ de Aureliani sævitie famâ percussi.
Ausi ergo rogare Christum sunt, liceret
sibi siccâ morte, & incruentâ defungi.
Datum id quoque, placitâ compositos
quiete Angelorum manus cælo intule-
runt. Nihil audies suavius: & tamen fron-
tem contraxisti, cum his quoque nega-
tum audires duobus dominis servire. Ex
Mombrit. & P. de Natal.

*Esto humilis, & pacificus & erit tecum
Iesus: sis devotus & quietus, & manebit
tecum Iesus. Potes cito fugare Iusum &
gratiam ejus perdere, si volueris ad exte-
rioræ declinare: & si illum effugaveris &
perdideris, ad quæ fugies, & quem tunc
quæres amicum?* Thom. à Kemp. l. 2. c. 8.

S. OLIVA VIRG. MART. 10. Iunii.

Nobilis virgo fuit OLIVA. Id si cu-
nis avitis non crederem, monilibus
crederem, vinculis inquam, quæ anno
ætatis tertio decimo pro Christo gesta-
vit, multum hoc muliebri mundo, &
quantum nulla alia virgo, superba. At
mors, sive ætati hoc, sive generis splen-
dori dabit, noluit tam pulchram OLIVAM
immature fato decerpere. Tyran-
nus tamen ex oculis patriæ (Panormum
erat) in exilium transtulit. Nihil minus in
hoc florere visa OLIVA. quid? quod cæco
eodemque pedibus capto cum luce Chri-
stum ostendit, & ad partes Christa-
norum

norum docuit ambulare ; cùm aliis intereà, quòd fidem nollet aspicere, oculos amitteret. Hos tamen etiam resipisci ent restituit, & utrumque ad martyrii cursum præmisit, cùm ipsa ad eandem gloriam feriūs, & ingentibus triumphis grassaretur. Etenim flagris cæsa in silvas est relegata. Gratulatæ sunt scilicet sibi hæ de OLIVA, sub cuius umbrâ etiam effera animalia mansuescere, & cum virgine innoxiâ totum septennium agere vifa. Intereà homines in feras migrarunt. Nobilis enim juventus dum feras captat, visâ virginem in retia Veneris se induit. At virgo, An, ait, dubitatis parcere virginitati homines, cui vim inferre bestiæ verentur? aut, qui contra feras me defendit, Deum pugnaturum pro me inferos homines, dubitatis? Dixit, & nassis expeditos turpibus, mox martyres cælo transmisit. Ipsa etiam superatis denuò flagris & equuleo: oleoque ab igne bulliente triumphans secuta, gladio secundam cervicem, caput coronandum cælo dedit. Nunquam pulchriùs laurus O L I V A se junxit. Ex Ferrario.

Nec cedendum nec recedendum, etiamsi gravis temptationum feruor utrinque hominis statum affixerit: eligamus potius ardere, quam cedere. S. Bern. serm. 3. de Vig. Nativ.

S. BAR-